



Siaran Akhbar

STANDARD MANDATORI UNTUK PANCARAN MEDAN ELEKTROMAGNET (EMF) DARI INFRASTRUKTUR KOMUNIKASI RADIO BAHARU BERKUAT KUASA 1 NOVEMBER 2021

CYBERJAYA, 1 November 2021 --- Standard Mandatori untuk Pancaran Medan Elektromagnet (EMF) dari Infrastruktur Komunikasi Radio (MS EMF) baharu akan dikuatkuasakan bermula hari ini, 1 November 2021.

Menurut Suruhanjaya Komunikasi dan Multimedia Malaysia (MCMC), MS EMF baharu dikemas kini dengan had pendedahan EMF terkini berpandukan kepada garis panduan Suruhanjaya Antarabangsa Terhadap Perlindungan Radiasi Tidak Mengion (ICNIRP) yang diterbitkan pada 2020.

Selain itu, MS EMF baharu ini juga turut merujuk kepada penanda aras antarabangsa yang juga mengambil kira teknologi semasa dan masa hadapan untuk memantapkan aspek-aspek pelaksanaan, pemantauan dan penilaian EMF agar ianya lebih sistematik dan berkesan.

MS EMF ini adalah penting bagi memantau pelepasan frekuensi radio EMF oleh pihak penyedia perkhidmatan selain menjamin keselamatan orang awam seiring perkembangan semasa teknologi komunikasi termasuk pelaksanaan rangkaian 5G di negara ini tidak lama lagi.

Penyediaan MS EMF yang baharu dibuat melalui Siasatan Awam bermula dari 19 Julai hingga 17 September 2021 lalu. Berikutan itu, pihak MCMC telah mengeluarkan Laporan Akhir Siasatan Awam mengikut Seksyen 65 Akta Komunikasi dan Multimedia (AKM) 1998 yang boleh didapati di pautan:

https://www.mcmc.gov.my/skmmgovmy/media/General/pdf/PIR_Revisi_on_MS_EMF.pdf

JABATAN KOMUNIKASI KORPORAT MCMC

Suruhanjaya Komunikasi dan Multimedia Malaysia | Malaysian Communications and Multimedia Commission

MCMC Tower 1, Jalan Impact, Cyber 6, 63000 Cyberjaya, Selangor MALAYSIA

T: + 60 3 86 88 80 00 | F: + 60 3 86 88 10 00 | E: scd@mcmc.gov.my | W: www.mcmc.gov.my



Suruhanjaya Komunikasi
Dan Multimedia Malaysia



MCMC_RASMI



SKMM_MCMC



MCMCTV